

Тосхлтин материал гаргългъиг

өргджүлхмн

Ц. САВРУШЕВ,

КПСС-н тангъчин комитетин промышленн
болн көлгнә отделин заведуюш

Иргч джилд мана тангъчд тосхлтин көдлмшин кемджән кесг холвдж өсхмн. Амти бәәх, культурн болн производственн кесг гермүд тосгъгдх темдгдгдджәнә. Терүнд дала әдл материал керглд-хмн.

Ода күртл тангъчин хотл балгъснд болн райодар кегдджәх гермүд газагъас зөбгәд авч ирсн материалар кегддг билә. Улгүрнь, тоосх авад хәләй. Терүнә икнъкинъ бидн Ипатовск районас авч ирнәвдн. Тер бийнь, манд кергтә тоосхиг бидн эндән, улгүрнь, Элстин кирпичн заводт кедж чадх аргътавдн, тиигхләрн тегәд терүнә үннь хойр холван шаху кимд болхмн. Зугл ганцхи эндән кесн кирпичәс джилин эргид күсдундур сай гар арслнъ әрвддж хоршадж болхмн, цуг бийнь бәәрн газрин тосхлтин материалиг чадмг кевәр эвинь олдж олзхла джилдән дөрвн сай арслнъ әрвддж хоршадж болхмн. Эн мөнъгәр невр олн давхр кесг гер бәрдж болхмн.

Болв өдгә цаг күртл бәәрн газрин тосхлтин материал белдлгъиг болн гаргългъиг бүрдәлгън тангъчд муугъар бүрдәгдсн бәәнә. Энүнд партин тангъчин комитет болн тангъчин күцәгч комитет зөвәр гемтә, юнъгад гихлә, тосхлтин организацсин, тангъчин бәәрн газрин промышленностин управленә, Элст балгъсна промкомбинатин гардачрин өмн чангъ неквр

тәвдж чадцхасн уга. Элстин кирпичн заводт сән оборудовань бәәнә, тер бийнь оборудовань уга Каспийск кирпичн завод-дорхнь хойр холван багъ кирпич өгв. Цааранднь энүнлә эвцлдддж болшго.

Элстин кирпичн заводин күчиг күццднь олзлхин төлә цуг аргъинь хәәх кергтә. Джил болгън эн ядхдан 2,5 сай кирпич өгх зөвтә, өгч чигн чадхмн. Энүнә төлә заводиг бүкл суткдан көдлгдг кех кергтә. Энүнлә хамднь кирпич кеер болгъдг бүрдәх кергтә.

Зундун карьерт чолун кирпич гаргългъиг сәәнәр механизировать кех кергтә. Джилин эргид, энүнәс герин эрстәвхд кергтә сән 70 гар мингън кубометр материал гаргъдж авх аргъ бәәнә. Зундуд дотл гаргъдг заводиг хәрү кедж бүттгх кергтә цагнь ирчкв. Дәәнә өмн эн завод дала-әдл дотл гаргъдг бәәсмн. Дотл бәәхлә тангъчин хотл балгъснд селикальцит икәр гаргъдж болхмн.

Хад чолу бидн кустарн эваргъар гаргъдж авнавдн. Кемрджән эн карьерин көдлмшиг механизировать кехлә, джилин туршарт 60 шаху мингън кубометр чолу гаргъдж авч болхмн, эн — ода гаргъджаснас гурвн холван ик болдж гархмн.

1958 джилд Элстд кирпичн шин завод тосгъх кергтә. Терүнд кергтә оборудовань белдәд авчксн бәәнә.